

# Պատրիկի ձանձրալի օրը

Պատրիկի ավագ եղբայրները միշտ շատ զբաղված էին նրա համար:



**Ռեբեկա Ջեյքման**  
(Հիմնված է իրական պատմության վրա)

Այս պատմությունը տեղի է ունեցել ԱՄՆ-ում:

Պատրիկը հայացքը հառել էր առաստաղին, մինչ պառկած էր անկողնու վրա: Նա ձանձրանում էր: Նա արդեն կարդացել էր կենդանիների մասին իր գրքերը, ցատկել էր բատուտի վրա և հեծանիվով շրջել էր իրենց թաղում: Ի՞նչ կարող էր նա անել այժմ:

Պատրիկը վեր կացավ և գնաց իր ավագ եղբոր՝ Դանիելի սենյակ: «Կխաղա՞ս ինձ հետ», - Հարցրեց Պատրիկը:

«Կներես, չեմ կարող: Ես պետք է սովորեմ», - ասաց Դանիելը: Նա նույնիսկ հայացքը չբարձրացրեց գրքից, որը կարդում էր: Պատրիկը սրտնեղեց: Դանիելը միշտ սովորում էր: Մի՞թե նա չէր կարող ընդմիջել: Դե, լավ: Դանիելը զբաղված էր, բայց Պատրիկը կարող էր հարցնել իր մյուս եղբորը՝ Սիմիոնին: «Ես ձանձրանում եմ: Կարո՞ղ ես խաղալ ինձ հետ», - հարցրեց Պատրիկը: «Ոչ, ոչ այսօր: Ես դուրս եմ գալիս ընկերներիս հետ»: Սիմիոնը հագավ բաճկոնը և դուրս գնաց: Պատրիկը շատ բարկացած էր: Սիրտն արագ բաբախում էր: Պատրիկի ավագ եղբայրները միշտ շատ զբաղված էին նրա համար: Նա վազեց դեպի իր ննջասենյակը և շրխկացրեց դուռը:

Դա արդար չէ: Այդպես մտորում էր Պատրիկը: Նա ոտքը գետնին խփեց և ընկավ մահճակալին: Նա շատ էր սրտնեղել: Շատ ձանձրալի էր: Ջայրոյթը թույլ չէր տալիս նրան մտածել, թե ուրիշ ինչով կարող էր զբաղվել: Այնուհետև նա հիշեց մի բան, որ սովորել էր դպրոցում: Ուսուցիչը սովորեցրել էր, որ խոր շունչ քաշելը կարող է օգնել նրանց հանգիստ գգալ: «Դժվար է ինչ-որ բան շտկելը, երբ դուք զայրացած եք», - ասել է նա: Հավանաբար, եթե Պատրիկը ավելի հանգիստ լիներ, նա կարող էր գտնել իր ձանձրության լուծումը: Այսպիսով, Պատրիկը խոր շունչ քաշեց: Ապա կրկնեց ևս մեկ անգամ: Եվս մի քանի խոր շունչ և նա իրեն ավելի թեթևացած զգաց: Բայց նա դեռ չգիտեր, թե ինչ անել: Նա նստեց և նայեց իր պատից կախված Հիսուս Քրիստոսի նկարին: Ի՞նչ կուզեր նա, որ Պատրիկն աներ: Պատրիկը ծնկի իջավ: «Երկնային Հայր, խնդրում եմ, օգնիր Դանիելին, երբ նա սովորում է», - ասաց նա: «Օգնիր Սիմիոնին զվարճանալ իր ընկերների հետ: Եվ խնդրում եմ, օգնիր ինձ, որ շատ չձանձրանամ»:

Երբ նա ավարտեց իր աղոթքը, շուտով մի միտք ծագեց: Նա վազեց դեպի Դանիելի սենյակը: «Դանիել, երբ ավարտես, կարո՞ղ եմք միասին խաղալ»: Դանիելը բարձրացրեց աչքերը գրքից և նայեց պատի ժամացույցին: «Ես կարող եմ ընդմիջել մոտ 30 րոպեից: Մենք կարող ենք բակ գնալ: Ուզո՞ւմ ես բակ գնալ»: «Այո»: Պատրիկը ժպտաց և վազեց դեպի իր սենյակը: Նա գտավ վագրերի մասին գիրքը, որ սիրում էր նայել: Որոշ ժամանակ կարդալուց հետո նա խաղաց խորանարդիկներով: Շուտով ժամանակն անցավ, և նա ու Դանիելը շարժվեցին դեպի իրենց տան մոտ գտնվող անտառը: «Ի՞նչ ես ցանկանում խաղալ՝ տիեզերքի ռազմիկներ, թե՞ ջունգլիների հետախույզներ», - հարցրեց Դանիելը: «Ցանկացածը: Ես պարզապես ուրախ եմ, որ կարող եմք միասին ժամանակ անցկացնել: Դա շատ ավելի լավ է, քան ձանձրանալը», - ասաց Պատրիկը: Դանիելը քմիծաղ սովեց: «Դե, քեզ հետ խաղալը շատ ավելի զվարճալի է, քան թեստեր պարապելը»: Պատրիկը իրեն երջանիկ էր զգում, երբ ինքն ու Դանիելը սողում էին խոտերի միջով: Խաղաղվել օգնեց նրան ավելի պարզ տեսնել, թե ինչպես կարող է լուծել իր խնդիրը: Եվ երկնային Հայրն օգնեց նրան ավելի շատ նմանվել Հիսուս Քրիստոսին: Ի վերջո, նրանք շատ լավ օր անցկացրին: ●

